

Zu Verstopfftem Milzken.

Es sind etliche Sachen / so von Eyngespalkter Eygens
schafft zu dieser Schwachheit dienen / sie werden eynges
nommen wie man wölle / als die Corallen klein zerstoffen:
Das Milz von einem Igel gegessen : Die Leber von einem
Fuchs / also gleich die Leber von einem Wolff den Lebersichtigen
gesund ist. Den Bauren vnnnd groben Leuhten / hab ich offte zu
trincken geben ihren eygenen Harn : Dann dasselbig außgerucknet
vnnnd zertheilt. Wie auch denselbigen mit Hänfinwerck zu appli
cieren rahtsam ist. Ein Pflaster von Capparenöl vnnnd Schw
brodtwurz zugericht / ist wunderbarlich dem Milzken gut. Es ist
aber ein wenig stärkerer / darumb etlich Mehl vnnnd Feiste hinzu
zuthun. Dis Foment vnnnd Behung ist etwas milderers / zugericht
auß Tamariscenblummen / gekocht in Essig mit einem Schwam
oder Wollenentuch gebehet: Solenander.

Ein anders.

Aetlich zerstoffen mit Essig vnnnd auffgelegt / so wol auch
das Decoct dauon / hilfft den Milzichtigen: Reinerus
Solenander.

Von Blödigkeiten der
Leber.

Für Kranckheit der Leber.

Ein fast nützlich Tranck für alle vberflüssige. Hiß der Leber/
vnnnd andere dergleichen Kranckheiten / durch welches alle
die / welche vmb solcher Ursach willt / ihr Angesicht gleich
den auffhängigen Menschen / an Füßen geschwollen / die Händ ins
S ij wendig

wendig hisia / rauch vnd schebechtig gehabt / gesundt worden.
 Nimb Gerstemehl oder Ammelmehl / koches in Bruunwasser
 einer halben Stundt lang / seiges durch ein Thuch / thu darzu
 Papeln / Wegweiss oder Cicorien / Hopffen / Endiuuen / Bor-
 reisch / jedes gleich viel / Gelbensandel / 2. Loht. Koche diese Ding
 alle mit einander / bis genug ist / demnach sehe es wider umb durch
 ein Thuch / mische darunter 2. Loht Cassia die frisch außgezogen /
 vnd durch ein Leinentuch zuvor außgetruckt / auch so viel Zucker /
 bis der Tranck süß wirdt. Vondiesem Tranck solt du allzeit vber
 den andern Tag Morgends nüchter ein Bächer voll warm eyn-
 nehmen / darnach dich ein weil in das Beth legen / auff den Bauch /
 vnd schlaffen / so du wilt / demnach magst du auffstehn / vnd deine
 Geschäfte / so vorhanden / verrichten. Dieser Tranck sol allein im
 Sommer vnd nicht in dem Winter genossen werden. Vnd
 welcher ein kalten Magen hat der wolle ihn mit einem Rohten
 oder Scharletenbrust Thuch bewaren / auch mit guten warmen
 vnd kräftigen Oelen / die hernach beschriben werden / salben:
 Alexius. Ped.

Für Leberflüß.

Lgebrauchen etlich Aergie / so die Fürneimbsten in Italia
 sind / die Wolfsleber: dann sie dörren dieselbig / machens
 zu kleinem Pulffer / vnd geben es denen eyn / als ein sonder-
 bare Erfahrung in Leberflüssen: wie auch in Wassersucht. Ob
 wol Galenus wenig darauff gehalten: Conr. Geinerus.

Für Wasser suchet.

Schwalenwurz ein halb Pfunde vber Nacht in Wein
 gebeyst / dan auff das dritte Theil eyngefotten / Morgends
 nüchtern warm getrunck / mit Abwartüg des Schweiß /
 vers

vertreibt die Wasser suchte / also das sie an den Füßen vnden außs
bricht. Vnd diß ist ein sonderbar Experiment: Matthiolus &
Wierus.

Ein anders.

S Er Pontische Wermut hilffte wirklich in der Wasser-
suchte / als ich offterfahren. Dann ich etlich Wassersüch-
tige gekandt / so als verlassene vnd ohnheilssame geschäht
waren / die auß langem Gebrauch der Süßflien von gemeltem
Wermut / so in Zucker eyngemacht waren / wiederumb gesunde
worden sind. Man sol sie also zubereyten: Nimb der Blüden-
güßfel von Pontischem wermut / 1. Pfundt / des allerweissesten
Zuckers / 3. Pfundt / die Süßflien von den Stilen vnd Knöpflien
gesäubert / stoß in einem steinern Mörßel: Thu dann den Zu-
cker auch klein zerstoßen darzu / stoß daß alles wiederumb so lang /
biß alles wol vntereinander gemischt ist / dann behalts. Von dies-
sem also zubereytem Wermut / nach dem der affect purgiert /
gibi man täglich ein Loht / 3. Stundt vor dem Essen: Pet. And.
Matthiolus.

Anfangende Wasser-
suchte.

Ein köstlich Lattwergen.

M An macht auß Beylwurz ein köstlich Lattwergen für
die Wasser suchte also: Nimb Beylsafft drey quintlin /
Galgant / Zitwen / jedes ein halb Loht / Zimmetrinden /
Nägeln / jedes ein halb quintlin / Mehrköhl / Soldanella genaht /

S iij ein